

RELAÇION MORALE PE L'ANNO 2018

Zena, a-i 13 d'arvî do 2019

Bongiorno e scignoria a tutti, e graçie d'ese vegnui. Anche quest'anno in sala gh'é tanti pòsti veui, l'é in pecòu che i ciù tanti sòcci se pèrdan questa ocaxon, 'na vòtta l'anno, pe amiase l'un l'atro co-o fatorizo inta faccia, contenti de incontrase. Ma paçienza, niatri dimmo de longo, e l'é vea, che l'importante l'é voéi ese sòcci pe testimoniâ l'atacamento a Zena, e "fâ numero" pe dà ciù fòrsa a-a Compagna quande a se rapòrta co-e istituçioin into nomme da çitàe.

Àivimo comensòu ben o 2018, a Paxo co-in conçèrto memorabile òfèrto da niatri pe dà o benvegnùo a-a neuva aministraçion comunale: o 9 de frevâ o salon do Gran conseggio e o salonetto ean pin de gente pe sentî sonâ, pe-a primma vòtta insemme, trei strumenti storici: o violin do Paganin, quello do Sivori e a chitarra de Mazzini.

Pöi, o 14 d'agosto, a tragedia da chéita do ponte Morandi, ch'a l'à segnòu tutto quello che l'é vegnuo dòppo: a Compagna a l'à partecipòu co-o gonfalon a-i funerali de vittime.

Ma Zena a no se cianze adòsso: tutti, çitadin e istituçioin, s'en subito redogiaè e màneghe e àn comensòu a dâse da fâ pe convivere a-a megio con questo goaio e sciortine feua o ciù fito poscibile. Anche a Compagna a l'à continuòu a fâ o seu dovéi, ch'o l'é primma de tutto sarvagoardâ a nòstra léngua, fòscia a miscion ciù inportante: o nòstro prescidente o l'à tegnuo comme ògni anno, stavòtta inte 'n aola da Facoltà d'Architetua, o seu corso de zenéize avèrto a tutti e comme senpre ben ben frequentòu, e o l'é stæto de longo prezente, anche con di sòcci, o venerdì séia a Primocanale pe-a trasmiscion in zenéize Liguria ancheu, senpre ciù segoia inte tutta a region.

Comme tutti i anni, a Compagna a l'à goagno o bando da Region pe mandâ i nònni inte scheue a mostrâ o zeneize a-i figeu picin: 88 nònni én anæti inte 135 classi de 43 scheue; tutto fâ, l'é vea, ma a l'é meno che 'na gossa into mâ, perché pe sarvâ o zeneize bezeugna che chi o-o sà o-o parlo de longo e da tutte e parte, con grendi e picin!

En tantiscimi quelli che dîxan, in zenéize, che o zenéize no-o parla ciù nisciun: en tutti convinti d'êse soli a parlalo, ma se ghe l'avessan scritto into fronte s'acorzéivan d'êse ancon in bonna compagnia; questa còsa l'âiva za dita o Petrucci tanti anni fa, inte 'n articolo ch'emmo repigiòu into quarto boletin do 2018.

Pe favorî l'uzo da nòstra parlata s'éivimo inventæ i contrasegni Chi se parla zeneize da appende inte biteghe: l'iniziativa a va a rilento, ma a va, n'emmo dæti atri trei, e con l'agiutto de tutti viatri poriemmo fâ de ciù.

Emmo partecipòu a-e messe con de parti in zeneize a Pasquêta inta gexa de Campi, d'arvî a Santa Zitta e de mazzo a-a Vitòia. Co-i studenti de superiori va avanti l'iniziativa Crescere in Compagnia: a marzo, inta nòstra sede, gh'é stæto o gemellaggio tra 'na classe do lingoistico Montale de San Pê d'Ænn-a e doe scheue tedesche e s'é parlòu de Zena e da Compagna.

E conferenze di Martedì in Sarzan en stæte 34, 11 i libri presentæ a-i Venerdì a Paxo, co-in publico de sòcci fedeliscimi e tanti simpatizzanti ascì.

De libri, pe-a veitæ, ne ne regalann tantiscimi pe-a biblioteca e voriéivan presentali tutti da niatri, ma no ghe-a poemmo fâ e i ciù tanti dêvan contentase da recençion in sciò boletin: quella a l'é dovûa e aseguâ.

Genova, 13 aprile 2019

Buongiorno a tutti, e grazie d'essere venuti.

Anche quest'anno in sala ci sono tanti posti vuoti, è un peccato che la maggior parte dei soci perdano quest'occasione, una volta l'anno, per guardarsi l'un l'altro col sorriso sulla faccia, contenti di incontrarsi. Ma pazienza, noi diciamo sempre, ed è vero, che l'importante è voler essere soci per testimoniare l'attaccamento a Genova, e "fare numero" per dare più forza alla Compagna quando si rapporta con le istituzioni in nome della città.

Avevamo cominciato bene il 2018, a Palazzo Ducale con un concerto memorabile offerto da noi per dare il benvenuto alla nuova amministrazione comunale: il 9 febbraio il salone del Gran consiglio e il salonetto erano pieni di gente per sentir suonare, per la prima volta insieme, tre strumenti storici: il violino di Paganini, quello di Sivori e la chitarra di Mazzini.

Poi, il 14 agosto, la tragedia del crollo del ponte Morandi, che ha segnato tutto quello che è venuto dopo; la Compagna ha partecipato con il gonfalone ai funerali delle vittime.

Ma Genova non si piange addosso: tutti, cittadini e istituzioni, si sono subito tirati su le maniche e hanno cominciato a darsi da fare per convivere nel modo migliore con questo guaio e uscirne fuori il più presto possibile.

Anche la Compagna ha continuato a fare il suo dovere, che è prima di tutto salvaguardare la nostra lingua, forse la missione più importante: il nostro presidente ha tenuto come ogni anno, stavolta in un'aula della Facoltà di Architettura, il suo corso di genovese aperto a tutti e come sempre molto frequentato, e è stato sempre presente, anche con dei soci, il venerdì sera a Primocanale per la trasmissione in genovese Liguria ancheu, sempre più seguita in tutta la Regione.

Come tutti gli anni, la Compagna ha vinto il bando della Regione per mandare i nonni nelle scuole a insegnare il genovese ai bambini piccoli: 88 nonni sono andati in 135 classi di 43 scuole; tutto fa, è vero, ma è meno di una goccia nel mare, perché per salvare il genovese bisogna che chi lo sa lo parli sempre e dovunque, con grandi e piccini!

Sono tantissimi quelli che dicono, in genovese, che il genovese non lo parla più nessuno: sono tutti convinti di essere soli a parlarlo, ma se l'avessero scritto in fronte s'accorgerebbero d'essere ancora in buona compagnia; questa cosa l'aveva già detta Petrucci tanti anni fa, in un articolo che abbiamo ripreso nel quarto bollettino del 2018. Per favorire l'uso della nostra parlata ci eravamo inventati i contrassegni Chi se parla zeneize da appendere nei negozi: l'iniziativa va a rilento, ma va, ne abbiamo dati altri tre, e con l'aiuto di tutti voi potremo fare di più.

Abbiamo partecipato alle messe con parti in genovese a Pasquetta nella chiesa di Campi, in aprile a Santa Zita e in maggio alla Vittoria. Con gli studenti delle superiori va avanti l'iniziativa Crescere in Compagnia: a marzo, nella nostra sede, c'è stato il gemellaggio tra una classe del linguistico Montale di San Pier d'Arena e due scuole tedesche e si è parlato di Genova e della Compagna.

Le conferenze dei Martedì in Sarzano sono state 34, 11 i libri presentati ai Venerdì a Palazzo Ducale, con un pubblico di soci fedelissimi e anche tanti simpatizzanti.

Libri, per la verità, ce ne regalano tantissimi per la biblioteca e vorrebbero presentarli tutti da noi, ma non ce la possiamo fare e i più devono accontentarsi della recensione sul bollettino: quella è dovuta e assicurata.